

Meddelelse fra



Skattedirektoratet

Akilerartarnermi Pisortaqarfimmit Nalunaarut

Nalunaarut  
Meddelelse nr. 293

Ulloq  
Dato 21.12.1992

Qupperneq  
Side nr. 1/11

**Pineqartog: Ingerlatsiviup Kalaallit Nunaata avataaniittup  
amigartoorutaasa ilanngaatigineqarsinnaanerisa  
killiliivigineqarnerat.**

**Imarisai:**

- A. Aallarniutitut oqaaseqaatit imm. 1 - 4
- B. Inuit akilerartussaataitaasut maleruagassani pineqartut imm. 5 - 9
- C. Ingerlatsivinnit pineqartunit aningaa-sarsiat naatsorsorneqarneri imm. 10 - 16
- D. Ilangaateqarsinnaanerup killiliivigineqarneranut maleruagassat imm. 17 - 18
- E. Aalajangersakkat atuutilersitsisuusut ikaarsaarutaasullu imm. 19

**A. Aallarniutitut oqaaseqaatit.**

1. Inatsisartut inatsisaata allannguutissaatut Inatsisartut inatsisaanni nr. 21, 30. oktober 1992-imeersumi § 1, imm. 4-mi inuussutissarsiuutigalugu ingerlatsiviit Kalaallit Nunaata avataaniittut amigartoorutaasa ilanngaatigineqarsinnaanerit killiliivigineqarpoq (§ 21A). Maleruagassat 14. oktober 1992 aallarnerfigalugu atuutilerput, takuuk immikkoortoq E.

Killiliinerup kingunerisaanik amigartoorutit isertitanit allanit ilanngaatigineqarsinnaajunnaarput, taamaallaalli ingerlatsiviup taassuma ukiuni tulliuttuni tallimani sinneqartoorutaa-nit ilanngaatigineqarsinnaalerlutik.

Meddelelse fra



Skattedirektoratet

Akileraartarnermi Pisortaqarfimmit Nalunaarut

Nalunaarut  
Meddelelse nr. 293

Ulloq  
Dato 21.12.1992

Qupperneq  
Side nr. 2/11

2. Maleruagassat siunertaat tassaavoq ingerlatsivinni "anpartitut" (umiarsuarni anpartitut il.il.) negeroorutigineqartartunut, aammalu amerlanertigut kommanditselskabitut interessentskabitulluunniit pilersinneqartartunut aningaasaliisarnikut akileraarutitigut iluaqutiginnissinnaanerup killiliivigineqarnissaa.

Maleruagassat nalinginnaasumik atuuttut naapertorlugit ingerlatsivinni Kalaallit Nunaata avataani ingerlanneqartuni amigartoorutaasartut maannamut isertitanit allanit ilanngaatigineqarsinnaasimapput. Killeqanngitsumik nalikilliliisinnaanerup atornerarneratigut periarfissaasimavoq amigartoorutaasimannaasut isertitanit allanit ilanngaatigineqarsinnaanerup, tamannalu akileraartussaataasup akileraarutitigut iluaqutigisarsimavaa, pingaartumik akileraarutissat kinguartinneqartut.

3. § 21A-mi maleruagassat taamaallaat atuupput inunnut § 1, imm. 1, nr. 1 aamma nr. 2 naapertorlugu akileraartussaataasunut, namminersorlunilu inuussutissarsiuutigalugu ingerlatsivimmu Kalaallit Nunaata avataaniittumut peqataasunut, takuuk immikkoortoq B.

4. Immikkut ittunik pissutissaqartoqartillugu Naalakkersuisut, Naalakkersuisulluunniit tamatumunnga piginnaatitaat akuersisuteqarsinnaapput amigartoorutit § 21A, imm. 1-imi pineqartut tamakkiisumik ilaannakortumilluunniit isertitanit allanit ilanngaatigineqarsinnaanissaannut.

**B. Inuit akileraartussaataasut maleruagassani pineqartut.**

5. Inuit kommanditselskabini, umiarsuaatileqatigiiffinni ingerlatsivimmik Kalaallit Nunaata avataaniittumik ingerlatsisuni kommanditistitut, umiarsuaateqagataasutut assigisaatulluunniit peqataasut amigartoorutaat § 21A-mi maleruagassat

Meddelelse fra



Skattedirektoratet

Akilerartarnermi Pisortaqarfimmit Nalunaarut

Nalunaarut  
Meddelelse nr. 293

Ulloq  
Dato 21.12.1992

Qupperneq  
Side nr. 3/11

naapertorlugit suliarineqartassapput. Tamanna aammattaq atuuppoq inunnut interessentskabini, qulillu sinnerlugit peqataaffigineqartuni (piginnitseqartuni) piginneqataasunut, aammalu akilerartussaataasooq ingerlatsiviup ingerlanneqarnerani annertungaatsiartumik peqataangitsunut.

Ingerlatsiviit pineqartut tassaapput kommanditselskabit, umiar-suaatileqatigiiffiit assigisaalluunniit aammalu interessentskabit. "Assigisaattulluunniit"-mik oqarnermi pineqarput namminersorluni inuussutissarsiutigalugu ingerlatsiviit (inunnit namminernit pigineqartut) allat, interessentskabiunngitsut aammalu kisermaallugu ingerlatsivittut pilersitaangitsunut.

Interessentskabit namminersorluni inuussutissarsiutitut ingerlatsivinnit allanit immikkoortinneqarnissaat pissaq tamatumani inatsisitigut periaatsit atuuttut tunngavigalugit. Interessentskabit ilisarnaataat tassaavoq peqataasut namminneerlutik, ataatsimoorlutik aammalu toqqaannartumik ingerlatsiviup akiitsuinut akisussaanerat.

6. Interessentskabimi peqataasut quliuppata ikinneruppataluunniit peqataasut arlaannaalluunniit maleruagassani pineqassangillat. Peqataasut qulinit amerlaneruppata peqataasut ingerlatsinermut annertungaatsiartumik peqataangitsut tamavimmik maleruagassani pineqassapput.

Interessentskabimi **peqataasut amerlassusaat** qulinit ikinnerusunilluunniit allangortillugit qulit sinneqalersinneqarpata, peqataasut, ingerlatsiviup ingerlanneqarnerani annertungaatsiartumik peqataangitsut tamavimmik aalajangersakkami pineqassapput. Peqataasut amerlassusaat qulinit amerlanerusunit qulinit ikinnerusunulluunniit allangortinneqarpata peqataasut, ingerlatsiviup ingerlanneqarnerani annertungaatsiartumik peqataangitsut tamavimmik aalajangersakkami pineqarnerat

Meddelelse fra



Skattedirektoratet

Akileraartarnermi Pisortaqaarfimmit Nalunaarut

Nalunaarut  
Meddelelse nr. 293

Ulloq  
Dato 21.12.1992

Qupperneq  
Side nr. 4/11

atuutiinnassaaq.

Interessentskabimi peqataasup akileraartussaataitaasup ingerlatsivimmi **annertungaatsiartumik peqataa-neranik** isummernissami apeqqutaatinneqassaaq inuup taassuma nammineerluni suleqataa-nera qaammammut agguaqatigiissillugu minnerpaamik nal.akunne-  
rinik 50-inik sivisussuseqarnersoq.

Peqataasut qassiunerinik naatsorsuinermi ilaatinneqassapput piginneqatigiiffiit inuillu, apeqqutaatinnagu Kalaallit Nu-  
naannut akileraartussaataitaanersut akileraartussaataitaanngin-  
nersulluunniit.

Interessentskabimi peqataasut qassiunerat amerlanertigut taku-  
neqarsinnaavoq interessentskabit ukiumoortumik naatsorsuutaa-  
ni.

Peqataasut amerlassusaat naatsorsuutini takuneqarsinnaanngip-  
pat aammalu amigartoorutit isertitanit allanit ilanngaatigine-  
qarnissaat qinnutigineqaraangat, akileraartussaataitaasup pe-  
qataasut amerlassusaannut uppernarsaatitut ilanngutissavaa in-  
teressentskabimi isumaqatigiissut, allattorsimaffik handelsre-  
gisterimit suliarineqarsimasoq, kukkunersiuisup uppernarsaataa  
assigisaalluunniit.

7. Ingerlatsivik **ukiup ilaannaani** maleruagassani pineqarpat,  
ingerlatsivimmit isertitat tamakkiisut § 21A naapertorlugu  
ukiumi aningaasarsiorfiusumi tamarmi suliarineqassaaq. Asser-  
suutigalugu ukiup aningaasarsiorfiusup ingerlanerani interes-  
sentskabimi peqataasut 11-ssaat ilanngunneqarpat, peqataasut  
ingerlatsiviup ingerlanneqarneranut annertungaatsiartumik pe-  
qataanngitsut tamavimmik ukiumi aningaasarsiorfiusumi tamarmi  
pineqassapput.

Meddelelse fra



Skattedirektoratet

Akilerartarnermi Pisortaqarfimmit Nalunaarut

Nalunaarut  
Meddelelse nr. 293

Ulloq  
Dato 21.12.1992

Qupperneq  
Side nr. 5/11

8. Ingerlatsiviup **Kalaallit Nunaata avataani** ingerlanneqarneranik isummernissami aalajangiisuussaag ingerlatsivik Kalaallit Nunaata avataani inissisimanersoq. Sumi inissisimanagera aalajangerneqarsinnaangippat aalajangiisussaalissaag ingerlatsiviup sumi aalajangersimasumik ingerlanneqarfia.

**"Aalajangersimasumik ingerlanneqarfia"**-nik oqarnermi pineqarpoq ingerlataq, immikkoortortaqarfik, allaffik, suliffissuaq, sannavik imaluunniit nunap iluani piiaaffik, gassisiorfik uuliasiorfilluunniit, ujaqgerivik allaluunniit nunap pilersitaanik piiaaffik sumit aqunneqarnersoq.

9. Aalajangersakkami pineqarput **sulluunniit namminersorluni inuussutissarsiummik ingerlatsiviit** niuernerup sullissinerup, nunalerinerup, suliffissuaqarnerup, kiffartuussinermik suliaqarnerup, attartortitsinerup il.il. iluanni. Taamaattorli ilaattinneqangillat pigisap aalaakkaasup Kalaallit Nunaata avataani inissisimasup isertitai aningaasartuutaalu, tassami ingerlatat taamaattut sinneqartoorutaat amigartoorutaalluunniit immikkut § 13, imm. 5-imi iluarsiivigineqarnikummata.

Pisuni ataasiakkaani namminersorluni inuussutissarsiutigalugu ingerlatsisoqarnersoq tamatumunnga periaaserineqartut atuuttut naapertorlugit aalajangerneqartassaag.

**C. Ingerlatsivinnit pineqartunit aningaasarsiat naatsorsorneqarneri.**

10. Ingerlatsiviup **sinneqartoorutai amigartoorutaaluunniit akileraaruteqaataasussat** akileraartarnermi inatsimmi malerua-gassat nalinginnaasumik atuuttut naapertorlugit naatsorsorneqartassapput, taamaattorli nalikilliliinerit aammalu erniatigut isertitat ernianullu aningaasartuutit ingerlatsivinnut ataatsiakkaanut attuumassutillit sinneqartoorutinut amigar-

Meddelelse fra



Skattedirektoratet

Akilerartarnermi Pisortaqarfimmit Nalunaarut

Nalunaarut  
Meddelelse nr. 293

Ulloq  
Dato 21.12.1992

Qupperneq  
Side nr. 6/11

toorutinulluunniit ilanngullugit naatsorsorlugit.

11. Ingerlatsiviup **nalikilliliissutai** apeqqutaatinnagit akilerartussaatitaasut ataasiakkaat peqataasut akilerartarnermi inatsimmi maleruagassat nalinginnaasumik atuuttut malillugit killeqanngitsumik nalikilliliisinnaapput.

12. **Erniatigut isertitat** amma **ernianut aningaasartuutit** ingerlatsivinnut ataasiakkaanut ilaatinneqartassapput, assersuutigalugu ingerlatsiviup naatsorsuutaanut ilanngunneqartillutik. Aammattaq ernianut aningaasartuutit ingerlatsivimmut ilaatinneqartassapput, ataatsimoorullugit akisussaaffigineqarsimappata. Ilaatigut taamaattoqartassaag akiligassaqarfik, attartukkat akilersorneqarnissaat eqquutsinneqanngitsillugu ingerlatsiviup ataatsimoorussap pigisaanik pigisaasaluunniit ilaannik akiliisitsiniassatillugu. Tamannattaq atuuppoq peqataasut akiitsunut allanut ataatsimoorlutik akisussaattillugit.

Allatut pisoqartillugu sukumiisumik naliliinikkut aalajangerneqartassaag erniatigut isertitat aamma/imaluunniit ernianut aningaasartuutit ingerlatsivimmut attuumassuteqarnerisut imaluunniit erniat akilerartussaatitaasumut namminerminut attuumassuteqarnerisut. Akilerartussaatitaasoq isumaqarpat ernianut aningaasartuutit namminerminut attuumassuteqartut aammalu qularutigineqarpat ilumut ingerlatsivimmut attuumassuteqanngitsut, taava akilerartussaatitaasup erniat namminerminut attuumassuteqarneri uppersartariaqarpari. Taamaattoqartassaarlum isumaqartoqarpat erniat ingerlatsivimmut attuumassuteqartut, kisiannili inummit namminermit erniatigut isertitatut isigineqartariaqarlutik.

13. Ingerlatsiviup naatsorsuutai erniatigut isertitanik aammalu ernianut aningaasartuutinik **piffissanut attuumassuteqarfisigaannuinaq agguataarneqarsimasunik** imaqarpata, soorlu as-

Meddelelse fra



Skattedirektoratet

Akilerartarnermi Pisortaqarfimmit Nalunaarut

Nalunaarut  
Meddelelse nr. 293

Ulloq  
Dato 21.12.1992

Qupperneq  
Side nr. 7/11

sersuutigalugu akileraarutitigut naatsorsuutit ataatsimoorfi-  
anni, taava periaaseq maannamut atuuttoq naapertorlugu akueri-  
neqarsinnaavoq piginnittup akileraartussaataitaasup taakku naa-  
pertorlugit sinneqartoorumminik amigartoorumminilluunniit  
ilanngussaqarnissaa. Erniat piffissanut attuumassutegarfigi-  
saannut agguataarneqarsimasut aammalu erniat akiligassanngor-  
simasut naatsorsuutini nalunaarneqarsimappata akileraartussaa-  
titaasup sinneqartoorutit amigartoorutilluunniit, tamatumani  
ilaallutik erniat akiligassanngorfii naapertorlugit naatsor-  
sorneqarsimasut, ilannguttussaavai.

14. Sinneqartoorutit amigartoorutilluunniit **ingerlatsivinnut  
ataasiakkaanut** immikkut naatsorsorneqartassapput. Assersuuti-  
galugu akileraartussaataitaasoq kommanditselskabini pingasuni  
peqataappat, taava kommanditselskabinit sinneqartoorutit ami-  
gartoorutilluunniit tamarmik immikkut naatsorsorneqassapput.

15. **Ingerlatsiviup tunineratigut** iluanaarutit annaasalluunniit  
maleruagassat nalinginnaasumik atuuttut naapertorlugit naatsor-  
sorneqartarnerat atuutiinnarpoq, tamatumani ilaalluni pigisat  
nalillit akileraartussaataitaanerup kipinerani tunineqartutut  
isigineqassallutik.

16. **Tamakkiisumik akileraartussaaneq aallartippat kipippallu**  
pigisat nalillit ataasiakkaat pisiarinerini tuninerinilu akii  
tassaassapput akileraartussaaneerup aallartinnerata kipinerata-  
lu nalaanni nalinginnaasumik niuernermi tunineqassasuugunik  
nalingi.

D. **Ilanngaateqarsinnaanerup killiliivigineqarneranut malerua-  
gassat.**

17. Ingerlatsiviup § 21A-mi pineqartup **amigartoorutai** sinne-  
qartoorutitalimmik aningaasarsianit allanit ilanngaatigineqar-

Meddelelse fra



Skattedirektoratet

Akilerartarnermi Pisortaqarfimmit Nalunaarut

Nalunaarut  
Meddelelse nr. 293

Ulloq  
Dato 21.12.1992

Qupperneq  
Side nr. 8/11

sinnaangillat, taamaallaalli ilanngaatigineqarsinnaallutik akilerartarnermi inatsimmi § 21, imm. 1-imi 3-milu maleruagasat naapertorlugit ingerlatsiviup taassuma ukiuni tulliuuttuni tallimani sinneqartoorutitalimmik aningaasarsiaanit. Amigartoorutilli ilanngaatigineqarsimangitsut ukiuni tallimani siulliini ingerlatsiviup taassuma sinneqartoorutitalimmik aningaasarsiaanit ilanngaatigineqarsinnaanissaasa Skatterådimit akuersissutigineqarsinnaanera periarfissaqarpoq, takuuk § 21, imm. 6.

Aningaasarsianit allanit oqarnermi pineqarput aningaasarsiat suulluunniit akilerartarnermut inatsimmi maleruagassat nalinginnaasumik atuuttut naapertorlugit naatsorsorneqarsimasut, apeqqutaatinnagu aningaasarsiat aningaasarsiortutut isertitaanersut, Kalaallit Nunaanni namminersorluni ingerlatsivimmit imaluunniit Kalaallit Nunaata avataani namminersorluni ingerlatsivimmit allamit aningaasarsiaanersut.

Ingerlatsiviup taassuma ukiumi aningaasarsiorfiusumi kingusinnerusumi sinneqartoorutitalimmik aningaasarsiaanit amigartoorutit ilanngaatigineqarsinnaapput, naak akilerartussaataasooq ukiumi aningaasarsiorfiusumi tassani § 21A-mi maleruagassani pineqanngikkaluartoq. Assersuutigalugu piffissani akilerartussaataasup ingerlatsivimmi ingerlatsinnermut annertungaatsiartumik peqataangiffiini amigartoorutit, takuuk imm. 6, ingerlatsiviup taassuma kingusinnerusukkut sinneqartoorutitalimmik aningaasarsiaanit taamaallaat ilanngaatigineqarsinnaassapput, apeqqutaatinnagu akilerartussaataasooq piffissani kingusinnerusuni ingerlatsiviup ingerlanneqarnerani annertungaatsiartumik peqataanersooq.

Ingerlatsiviup ilumut taassumaaneranik aalajangiinissami apeqqutaanngilaq ingerlatsiviup piginnittui ingerlataaluunniit kingusinnerusukkut allannguuteqarsimanersut, kisiannili aatsaat



Meddelelse fra



Skattedirektoratet

Akilerartarnermi Pisortaqarfimmit Nalunaarut

Nalunaarut  
Meddelelse nr. 293

Ulloq  
Dato 21.12.1992

Qupperneq  
Side nr. 9/11

ingerlatsivik unissimappat.

Ukiuni siusinnerusuni amigartoorutaasarsimasinnaasut katersor-  
neqarsimasut suli ilanngaatigineqarsimanngitsut ingerlatsiviup  
tunineqarneratigut uninneratigulluunniit pigisaanik nalilinnik  
tunisinnikkut iluanaaruteqarluni sinneqartoorutitalimmik ani-  
ngaasarsianit ilanngaatigineqarsinnaapput, takuuk imm. 15 aam-  
ma 16. Amigartoorutit sinnerisinnaasaat aningaasarsianit alla-  
nit ilanngaatigineqarsinnaanngillat, tamannalu aamma atuuppoq  
ingerlatsiviup tunineratigut uninneratigulluunniit amigartoo-  
rutinut/annaasanut.

18. Amigartoorutit immersugassamut immikkut ittumut allanne-  
gartassapput, taannalu nammineerluni nalunaarsuiffimmut ilan-  
ngunneqartassalluni, amigartoorutillu immikkoortillugit  
angissusilerneqarsinnaapput aammalu §§-ini 55-imiit 59-imut  
maleruagassat naapertorlugit immikkoortillugit naammagittaal-  
liutigineqarsinnaallutik. Akilerartussaataasup amigartoo-  
rutini allatut ilillugit nalunaarpagit, soorlu naatsorsuutini,  
tamanna akuerineqarsinnaavoq.

Amigartoorutit nuunneqarsimasinnaasut peereerlugit sinneqar-  
toorutit nammineerluni nalunaarsuiffimmi qupperneq 2-mi imm.  
7-imut nuunneqartassapput.

**E. Aalajangersakkat atuutilersitsisuusut ikaarsaarutaasullu.**

19. § 21A atuuppoq aningaasarsianut (amigartoorutinut) inger-  
latsivimminngaaneersunut ullorlu 14. oktober 1992 aallarnerfi-  
galugu pinngortunut. Taamaalillutik anpartit/piginneqataas-  
sutit ulloq taanna sioqqullugu kingoqqullugulu pissarsiarine-  
qartut matumani ilaatinneqarput.

Ingerlatsiviup ukioq aningaasarsiorfia tassaappat qaammati-

Meddelelse fra



Skattedirektoratet

Akilerartarnermi Pisortaqarfimmit Nalunaarut

Nalunaarut  
Meddelelse nr. 293

Ulloq  
Dato 21.12.1992

Qupperneq  
Side nr. 10/11

siutit malillugit ukioq, taava akilerartussaataasup 1992-imi ingerlatsivinnut ataasiakkaanut tunngatillugu qinersinnaavaa amigartoorutaasimasinnaasut ullormi 13. oktoberimi naatsorsorneqarnissaat, taamaaliornermigullu taakkua ukiumi aningaasarsiorfiusumi 1992-imi aningaasarsiat akileraaruteqaataasussat naatsorsorneranni ilanngaatigalugit. Tamanna qignerneqassappat 1992-imi piffissami 1. januarimiit 13. oktoberimut amigartoorutit, erniat naatsorsuutitigullu nalikilliliinerit, tassa ukiumoortumik naatsorsuusiordermut inatsimmi maleruagassat naapertorlugit nalikilliliissutaasinnaasut, ilanngullugit naatsorsorneqassapput. Aningaasalli nalikilliliissutigineqarsinnaasut annerpaaffissaat tassaapput 13. oktober 1992-imi akileraarutitigut naligineqartut. Akileraarutitigut nalikilliliissutaaneruset isigineqartussat aatsaat 31. decemberimi atuuttutut isigineqassapput. Tamatumunnga taarsiullugu ukiumi tassani akileraarutitigut nalikilliliinerit ilanngaatigineqartinnagit amigartoorutit tamarmiusut 14. oktoberimik killilerlugit ullunut akilerartussaataasup ingerlatsivimmi anpartiuteqarfigisimasaanut/piginneqataassuteqarfigisimasaanut agguarneqarsinnaapput.

Qaammatsiutit malillugit ukioq ingerlatsiviup ukiutut naatsorsuusiorderfittut atunngippagu akileraarutitigut nalikilliliissutaaneruset isigineqartussat tassaapput 31. decemberimi nalikilliliissutaaneruset. Taamaattumik 14. oktober sioqqullugu sinneqartoorutit amigartoorutilluunniit naatsorsorneqassapput naatsorsuutitigut nalikilliliinernik ilaqartillugit, taamaattorli annerpaamik akileraarutitigut nalingi atorlugit. Asersuutigalugu ingerlatsiviup ukioq naatsorsuusiorderfia 30. april 1992-imi naappat, ukiumi aningaasarsiorfiusumi 1992-imi aningaasarsianit allanit ilanngaatigineqarsinnaasut annerpaat tassaapput amigartoorutit naatsorsuutitigut nalikilliliinernik ilaqartillugit naatsorsorneqarsimasut. Taamatuttaaq ukiumi aningaasarsiorfiusumi 1993-imi tamanna atuuppoq, tassa akile-

Meddelelse fra



Skattedirektoratet

Akilerartarnermi Pisortaqarfimmit Nalunaarut

Nalunaarut  
Meddelelse nr. 293

Ullaq  
Dato 21.12.1992

Qupperneq  
Side nr. 11/11

raartussaaititaasup annerpaamik ilanngaatigisinnaammagit 1992-  
imi piffissami 1. majimiit 13. oktoberimut amigartoorutit  
naatsorsuutitigut nalikilliliinernik ilaqartillugit naatsor-  
sorneqarsimasut.